

ճարին, եւ բնակեցոյց զՀռովմայեցի գաղթականն. ըզ-
 չարեալ Հրէայք ընդ այս ապստամբեցին 'ի Կայսրէ եւ
 տային պատերազմ ընդ Թովսոսի եպարքոսին Հրէաստանի,
 առաջնորդութեամբ առն ուրումն աւազակի Բար Կոքերայ,
 այսինքն աստղորդի, որ էր գործովք չարագործ եւ ըս-
 պանող. շայց անուամբ իւրով մեծաբանեալ պարծէր, իբր
 յերկնից ծագեալ նոցա փրկիչ: Հարուստ գնդաւ ասպա-
 տակէր յԱտորիս, եւ կալեալ զքրիստոնեայն անջէր, զի
 ոչ կամէին երթալ ընդ նմա 'ի ճակատ ընդդէմ Հռովմա-
 յեցւոց. եւ առաւել եւս մոլեգնեալ կամէր ածել զնոսա
 տանջանօք յուրացութիւն. և այնքան սաստկացաւ մարտն
 ասէ՝ մերս Խորենացի, մինչև 'ի նոսա հայելով 'ի բաց կա-
 ցին հարկելոյ Հռովմայեցւոց Ատորիք, Միջագետք եւ
 Պարսք ամենայն, բաց 'ի մերոյն Արտաշիսէ: Առաքեցաւ
 յինքնակալն զօրավարն Յուլիոս Սեւերոս լեգէոնօք 'ի
 Հրէաստան, եւ ըստ Խորենացւոյն ինքնին Կայսրն եւ 'ի
 Պաղեստին. քանզեաց զամուրս աւելի քան 450, զքա-
 ղաքս և զիւղս 900: Յետ առին Բեթորոնի (յայնկոյս Յոր-
 դանանու) ուր անկաւ Բար Կոքեր յանդ եւ պատերազմն
 (135): Աւելի քան 4580,000 այր 'ի Հրէից պատմի կոտոր-
 եալ, եւ այլոց բազմաց այլ իմն ազգ վախճանեալ. մեծ
 մասն մնացելոցն եղև վաճառակուր և ածաւ վտարանդի
 յերկիր օտար: Աղբիանոս չինեաց զքաղաք իւր նոր 'ի
 նոյն տեղով, զոր պարունակէ այժմ. եւ մասնաւոր իմն
 նախախնամութեամբ փակեաց զլեռն Գողգոթայ 'ի մէջ
 պարսպացն: Չ'իշխէր ոք այնուհետեւ 'ի Հրէից երթալ
 մերձենալ 'ի վայրսն Երուսաղէմի, այլ յետոյ առին գնոց
 հրաման միանգամ 'ի տարւոջ երթալ աշխարհ 'ի վերայ
 քաղաքին իւրեանց, ուր տիրէր այնուհետեւ պաշտօն
 հեթանոսութեան: Բայց եւ քրիստոնէից, զոր տակա-
 ւին ընդ Հրէայն շփոթէին հեթանոսք, չ'էր համարձակ
 մտանել անդ: Ի թշնամանս Հրէից և առ 'ի տալ մոռանալ
 իսպառ զհայրենիս իւրեանց, ետ կանգնել Աղբիանոս պատ-
 կեր խոզենի մարմարեայ 'ի վերայ միոյ 'ի դրանց քաղաքին
 որ տանի 'ի Բեթղէհէմ. (արեւմտեան, որ այժմ կոչի Յուպ-
 պէու կամ Հայր Աբրահամու դուռ): Սակայն և ոչ 'ի նուի-
 րական տեղիս քրիստոնէիցն խնայեցաւ. 'ի Գողգոթա